

# ٦ ايام في الزمن

احمد محمد عبد الكريم

٦ ايام في الزمن

ازيكم مع روايه جديده ليا و خيال جديد

مع بدايه كل روايه أو كل كتاب اكتبه ديما بقول كلمة و هيا  
خليك مؤمن بنفسك و الي بتعمله في حياتك حتي لو مكنش  
حد مصدق و عيش حياتك و خذ كل تفضيله صغيره ممكن  
تسعدك و بس كذا اقرء الروايه

٦ ايام في الزمن  
"مع بداية اول يوم في السنه و بتاريخ ٢٠٢٤ و كان بلوغي ال ٢١ عام اليوم أصبحت في  
العام الثالث من مرحله الجامعة بكلية الآثار جامعة الاقصر الذي ذهبت اليها و تركت عائلتي  
و ذهبت الي هذه الكلية التي كنت اتمني أن تكون كلية الإعلام لآكن هذا قدر لي و من عند  
الله و لآكن بعد مضي سنتين و نصف في هذا المكان تعلمت الكثير و احببت هذه الكلية لأن  
نصيب ربنا يكون دائما جميل"

\*\*\*\*\*

"سند احمد ذراعه علي الكرسي بعد كتابة هذه الكلمات في كتابة الذي اختار أن يحكي قصة  
حياته فيه و ينشرها للعالم و ترجع الأحداث الي سكن الجامعة بمنداة محمود زميل احمد في  
السكن و صديقة"

محمود : هتاكل يبني احنا عملنا الاكل

احمد : اصبر بس جايلك اهو

محمود : أنجز بس عشان يوسف اصلا قرب يتحول ونت عارف لو اتحول هياكل الطريزة  
الي عليها الاكل

احمد : اهو ياعم اديني جيت

يوسف : بقولك يا ابو حميد

احمد : بدال فيها يا ابو حميد يبق فيها مصلحه

يوسف : بص انا مش وحش بس خد الصدر بتاع الفرخه و هات الورك عشان بحب  
الدبوس

٦ ايام في الزمن  
محمود: انا قولت بردو الواد ده مصالحو اكل بس

احمد : بس صحيح فين الواد عمر

يوسف : انت لسه فاكرو بعدين ياعم منت عارف هتلقية مع صحبتو

محمود : انه فيهم

احمد : هتعرف من الجدول الي عامله في الاوضه ليهم عشان ميتقفش منهم

محمود : الواد ده بيتعب جامد

يوسف : يارب نص تعبته ده

احمد : ههههه طب كل كل انت شككك خاسس

يوسف : ايوا والله انا فعلا خسيت كيلو ونص

احمد : و بقيت كام يعني

يوسف : ٨٠ كيلو يا خساره

محمود : بس يا خساره فعلا

احمد : صحيح هتروحو الرحله التدريبيه لمقبرة الملك توت عنخ امون

محمود : ايوا يعم رايعين اكيد دي عليها درجات و احنا مشاء الله عايزين كل درجه

"و بعد مرور ساعه من الحديث يذهب الاصدقاء الي الجامعة لحضور المحاضرات و بعد

انتهاء المحاضره الأولى"

٦ ايام في الزمن

محمود : اي يا رجاله هنعمل اي هنعرض المحاضره الجايه ولا اي

احمد : لا انا يدوبك هروح اشوف موضوع الروايه الي مقدم طلب أنها تدخل في مسابقه

الكتاب للجامعات بس يارب تكون اتقبلت

يوسف : يعم انشاء الله هتقبل و بعدين انا قراتها و عجبتي و بدال عجبتي هتعجب الكل

محمود : ايوا عارف انك صاحب ذوق رفيع

عمر : اي بتكذبو في اي انتو الاتنين

احمد : ياه فينك ياعم

عمر : كنت مع القمر الي هناك ده

يوسف : مريم حتي كلمت مريم يجدها دنا من كتر التوحد بدأت انسي أن في نوع بشر تاني

غير الرجالة

احمد : خليك مركز انت في الاكل بتاعك

عمر : المهم بمناسبة التوحد مش هتفكو كد و تيجو نخرج النهارده

احمد : نخرج فين

عمر : مريم و صاحبها هيتجمعو النهارده بليل فنتجمع سوا و بالمره تيجو معيا و بالمره

تبطلو التوحد الي انتو فيه ده

محمود : يعم عليا أنا موافق و هات ليوسف اي حاجه تتاكل و هيجي عادي

عمر : طب ونت يا ابو حميد

احمد : انت عارف اني مش بتاع خروجات و كد ولا قعدات غير قعدتنا في السكن

عمر : علي فكره رام الله هتكون هناك

٦ ايام في الزمن  
احمد : انت قولت الخروجه امتي

محمود : دلوقتي جاي يعني

عمر : علي الساعه ٧ كد

احمد : خلاص ياعم ٦ ونص هكون هناك

يوسف : كل ده عشان واحده بتحبها من سنه و هيا مش عارفه انك عايش علي الكوكب  
اصلا

محمود : بطل احباط في الولا

احمد : المهم انا هروح اشوف الروايه دي اتقبلت ولا لا

" و يذهب احمد للنظر الي ما حدث الي روايته الجديدة و يرا هل تم قبلها أو لا "

احمد : يا صباح الخير يا استاذ ابراهيم

استاذ ابراهيم: حماده عامل اي يا عبقرى

احمد : بدال فيها عبقرى كد يبق الروايه اتقبلت

٦ ايام في الزمن

استاذ ابراهيم: والله يا احمد يا بني انا اسف احنا درسناها و مشوفناش وجهه فائده بس انا  
عن نفسي وفقت بس الباقي موفقش انا مش عايزك تزعل انت كتاباتك جميله و فكرك حلو  
و ممكن السنه الجايه تطور و تقدم احسن

احمد : ولا يهكم يا استاذ ابراهيم كله خير المهم انت مش عايز حاجه

أستاذ ابراهيم: سلامتک يا حماده خد بالك من نفسك

" و يذهب احمد الي السكن و في عيونه الحصره و فقدان الأمل و الحزن الشديد بعد ما  
حدث معاه و يجلس في غرفته و كالمعتاد يمسك بكتاب مزكراته و يحكي و يتحدث فيه و  
يقول:

"و اليوم ذهب حلم اخر و ذهب يوم ميلادي ال ٢١ و يبدو اني كل سنه اخسر شئ في نفس  
اليوم لاكن الحمد لله على كل شئ و اخبرني صديقي عمر أننا سنذهب في لقاء مع الفتيات  
و من ضمنهم رام الله الجميله التي كرسنا سنه في النظر إليها دون حديث ولو بالصدفه بعد  
أن حولت الي جامعتنا في العام الماضي و بدء كل شئ يتغير في حياتي بعد تعاسه كبيره بعد  
ضياح ما حلمت به لاكن نظره إليها صغيره تكفي لإخماد كل تلك الاحزان و التشاؤومات  
لاكن هل سيحدث و نتحدث ولو مره في عمري الذي لا اعرف نهايته ام سأظل اسمع  
صوتها الدافئ و هيا نتحدث الي الآخرين و عينيها التي تشبه عيون الريم الساحره لا  
اعرف ماذا سيحدث بعد"

٦ ايام في الزمن  
" و ترجع الأحداث الي السكن بحديث بين الأصدقاء "

محمود : اي رايك يا عم يوسف في الطقم ده

يوسف : لو لبست كوتش احمر هيبقي جامد

محمود : كوتش احمر انت شكلك نفسك راحه علي فراخ بالصلصه انا مش عارف بسالك

عن رأيك في هدوم لي مفروض اسال في الاكل بس

عمر : انجزو البنات مستنين

محمود : انا جاهز فين الفنان بتاعنا

احمد : انا اهو ياعم

عمر : اي ده اي الحلاوه دي كلها و كمان شيلت الكاب الي علي دماغك اربعه و عشرين

ساعه

محمود : ما كلو عشان عيون القمر

احمد : والله منزل لو هنتكلم كثير

محمود : يعم بهزر دنت اخويا في اي

عمر : طب يلا بس اي الي في ايدك ده يا يوسف

يوسف : دول شويه سندوتشات رومي عشان يعني لو جوعنا و ازازه عصير

احمد : يا بني انت طالع رحله للقناطر دي خروجة

عمر : انا قولت الواد ده مكانو المطبخ محدش سمع كلامي

"و يذهب الاصدقاء للالتقاء بالفتيات"

عمر : بصوبق متفضحوناش البنات هناك اهي هنقعد شويه و هعمل اي حوار و اروح انا  
و مريم نقعد سوا لوحدنا ونتوبق اقعدو مع البنات

يوسف : يعم عيب عليك سبها بس عليا

عمر : مهو ده الي قلقتي في الحوار كلو أن القلق منك انت و طبيخك

احمد : روح بس فكك منو و هنكون تمام

محمود : بص بق رام الله هناك اهي احنا كلنا صحاب يعني اقعد و اتكلم معنا و عادي  
متعملش زي المتوحدين كل مره و تقعد في جمب و تسمع و الموضوع عادي

عمر : طب اسكتوا عشان خلاص هما قدمنا

يوسف : هما مين

مريم : ازيكم يا جماعه اي بقالكو حوالي نص ساعه متأخرين

يوسف : علي ما عملت بس السندوتشات و ازازه العصير سقت

نور : سندوتشات و عصير؟؟

محمود : اه ده يوسف متعود يعني كام طفل يتيم كد بيجو يخدو منه اكل و كد

٦ ايام في الزمن  
احمد : اه ديما يوسف بيعمل خير بياكل يتامي

مريم : اه ربنا يجعله في صالح أعماله

يوسف : امين يارب

نور : طب يلا تعالو اقعدو

" و ذهب الأصدقاء للجلوس عند التجمع و بدء الحديث بينهم و التعارف "

مريم : بصو بق هعرفكو يا بنات

أمنية : محنا كد كد عرفنهم يعني اكيد

" يقول يوسف في صوت هاء ل احمد "

يوسف : دحنا طلعلنا مشاهير في الكليه و مش عارفين

احمد : بالله عليك اسكت بالسندوتشات بتاعتك دي

يوسف : بجد انا غلطان ونا الي كنت عاملك سندوتشات حلاوة من الي بتحبها

احمد : يبني حلاوة اي انت جاي تزور نزيل

نور : اي يا جماعة بتتودودو في اي

احمد : لا لا مفيش

٦ ايام في الزمن  
رام الله : صحيح يا احمد بقولك انت قدمت في مواهب الكليه السندي

"يقول أحمد في صوت هادي "

احمد : اقرصني يا محمود

محمود : اقرصك ازاي

رام الله : اي يا بني انت سرحت في اي

احمد : اه اه انا السندي يعني مقدمتش عشان كنت بشوف حوار الكتاب الي بعمله و كد و  
كنت عايز اركز شويه في الأبحاث المطلوبه

عمر : طب انا هروح انا و مريم نجيب شويه حاجات و جاين

يوسف : طب ما اجي معاك انت

محمود : اسكت يا غبي

يوسف : اه اه خلاص متخدنيش معاك

رام الله : طب الكتاب ده بيتكلم علي اي

احمد : هوا مش كتاب هيا روايه خيال علمي

نور : تعرف اني بحب الخيال اوي و بحب الروايات دي و اقولك لو طبعتها هكون اول  
واحد هشتري منك يا عم

رام الله : طب هيا يعني بتتكلم علي اي

٦ ايام في الزمن  
احمد : بصي هيا بتحكي عن جزء من حيات حد بيختفي فجاه عن العالم الي هوا فيه بطريقه  
غريبه و في الاخر بيعرف يكتشف هوا فين و بيقد يحاول يرجع للعالم بتاعه و بتحصل كذا  
حاجه كد يعني معاه

امنيه : خيالك واسع اوي

احمد : دي حاجه حلوه لانك لو جيتي تبصي أن الإنسان ديما مش بيكون سعيد في الواقع قد  
ما هوا سعيد في الخيال يعني انتي لو سرحتي لخمس دقائق و اتخيلتي حاجه نفسها تحصل  
هتلاقي نفسك مبسوطه و في تشوق كد

نور : بس لازم بردو تعيش الواقع

رام الله : طب قلبتوها نكد لي يلا يلا نكمل السهره و نتكلم في حاجه تانيه

" و يمر الوقت و ينتهي اليوم و يذهب الاصدقاء الي سكنهم الدراسي و يودعون الفتيات و  
يذهب الوقت الي اليوم التالي في الساعه ال ٨ صباحا "

احمد : يجدعان اصحو الاتوبيس هيمشي و مش هنلحق الرحلة الميدانيه

عمر : صحيت اهو ياعم

احمد : يا يوسف اصحي انت تقلت في الاكل ولا اي انت كمان

يوسف : يا بني انا صحيت و نمت

احمد : صحيت امتي ده

يوسف : من ساعتين كنت بعمل السندوتشات و نزلت جبت مخلل

٦ ايام في الزمن  
محمود : اي ده انتو لسه ملبستوش

احمد : ونت كنت فين انت كمان

محمود : لا انا لابس من سعتها و نزلت جبت هاند فري من السكن الي قصدنا من واحد  
اعرفه عشان بتاعتي باظت بس اي اخلصو يلا لسه نص ساعه و نمشي

"و يذهب الاصدقاء للرحله في الاوتوبيس رفقة باقي أفراد الكلية و الرحلة متجه الي مكان  
مقبرة الملك توت عنخ امون و بعد مرور الوقت و وصول الطلبة والطالبات الي مكان  
المقبرة يبدء مشرف الرحلة بالحديث و التعريف عن حياة الملك توت عنخ امون و عن  
انجازاته و حديثه أنه من اصغر الملوك الذين تولوا حكم مصر و قناعة الذهبي المميز  
التمين جدا و بعد انتهاء المشرف بالتحدث و الشرح يدع الطلاب أن يتجولوا في المكان "

احمد : بقولك اي يا عمر انا هروح كد عند مكان الموميا

عمر : خلاص ونا هجيب من الواد يوسف اي حاجه اكلها عشان جوعت بصراحه

احمد : خلاص ماشي

" و يذهب احمد عند مكان الموميا و بالصدفة يلتقي رام الله هناك و يدور حديث بينهم "

احمد : اي ده ازيك

٦ ايام في الزمن  
رام الله : فل اهو انت بتعمل اي هنا

احمد : والله انا حبيت اشوف المومياء اكثر و ارتاح شويه بصراحه من صداع المشرف الي  
معنا

رام الله : انا بصراحه جيت هنا پردو عشان كد بس انت صحيح محدش ببشوفك كثير لي  
احمد : ازاي يعني

رام الله : يعني علي طول مختفي كد منطوي لوحدك

احمد : يعني بحب اكبر دماغي شويه بس صحيح انتي سالتني علي موضوع المواهب لي  
يوم مكننا خرجين سوا مع الشله

رام الله : انا بصراحه نفسي اعمل اي حاجه اشغل بيها وقتي يعني مش بعمل حاجات مفيده  
عكسك طبعا

احمد : و اي المفيد في حياتي انا

رام الله : مش عارفه بس انت بتكتب و بتفكر في حاجات لقدام و كد

احمد : بس ايش عرفك ب ده

رام الله : بص اي رايك بكره نخرج سوا نتكلم بعد ما نرجع من الرحلة

احمد : انا وننتي بس

رام الله : اه اكيد يعني

نور : يا رام الله

رام الله : طب بص هشوف نور بس عايزه اي و هرجلك

٦ ايام في الزمن  
" و تذهب رام الله الي نور و تترك احمد و يكمل بالحديث مع نفسه "

احمد : ده وقته انتي كمان يا نور دنا مصدقت

"و فجاه يجد احمد ساعه قديمه جدا علي الارض بجانب غرفة المومياة"

احمد : اي الساعه دي دي شبه البوصلة بس يا تري دي واقعه من مين ولا اعمل فيها أي  
ده حتي مش شغاله اكيد حد رمها

" و عند تحريك احمد لعقارب الساعه تتحرك العقارب بسرعه و يختفي احمد من المكان مع  
الساعه و تظل حقيبة احمد فقد في المكان و تعود رام الله للحديث معه لآكن تتفاجأ عند  
وجود الحقيبة و اختفائة "

رام الله : اي ده هوا راح فين و ساب الشنطه و نسها ولا اي هخدها معيا يمكن ركب  
الاوتوبيس و نسها و ادهاله انا

٦ أيام في الزمن  
" و تذهب رام الله لآكن لا تجد احمء في الاوتببس و تتفاجأ أن بقيت الطلبة يبحثون عنه و  
هوا مختفي و تحكي لصديقة عمر عما حدث و أنها وجدت الشنطة فقد ولم تجءة و يظنون  
يبحثون عنه ولم يجدوا و يرجع الاوتببس بالطلاب ءون احمء الي مكان الكليه مره آخره و  
ينشرون خبر اختفائة "

عمر : مهو اكيد يعني الأرض مبلعثهوش و حتي التلفون بتاعه مقفلول دي اول مره يعني

يوسف : مهو اكيد برءه مءءش خطفة ولا يمكن دي لعنه الفراعنه

نور : اسكت انت لعنه اي انت كمان

ءكتور نوح : اكيد في تفسير و المشكله اءنا شوفنا الكاميرات لءنها واقفة من بعء ما احمء

مسك ءاجه من الأرض و بعءها الكاميرات واقفة ءالص

محموء : طب هنعمل اي يا ءكتور

ءكتور نوح : والله اءنا بنءور اهو و سألنا عليه في كل مكان و لسه هنشوف

"و تذهب الأحداث الي مكان احمء و هوا فاقد الوعي في مكان غريب و يستفيق احمء علي

صوت رجل يرتدي ملابس قءيمة و يقول له يا فتي اذهب لأن سيءء صراع الان في هذا

المكان و يقف احمء علي قءمية و هوا لا يفهم اي شئ و يتفاجأ عندما يري بعض الرجال

ركبون علي أءصنة و يرتءون بذل عسكري قءيمة و في أيءهم اسلءة فيتءرك احمء

٦ ايام في الزمن  
بسرعة و يبتعد عن المكان و عند جرية منهم يقوم أحد بسحب احمد الي داخل منزل و يقفل  
باب المنزل "

احمد : اي ده انت مين يا عم ونا فين اصلا و اي الناس الي برة دي

عراي : ممكن تنادينني بعراي

احمد : عراي؟؟ ايوا برديو مفهمتش يا استاذ عراي انا فين اي الي بيحصل برة ده

عراي : دول بعض من جنود الخديوي توفيق حاكم مصر

احمد : حاكم مصر؟؟ و خديوي توفيق؟؟ و جنود؟؟؟ بص انا تمام ولا بشرب ولا بنيل بس

انت لو شارب حنة عثمانية و قالبة معاك معاك علي درسات تاريخ تالته ثانوي عرفني

عراي : لماذا كلامك غريب ايها الفتى من اين انت

احمد : لا دي قلبت معاك علي مسلسل تركي دبلجة سوري

عراي : انت من تركيا؟؟

احمد : ياعم تركيا اي ربنا يسترك انا من مصر ياعم

عراي : ما احنا في مصر الان و لماذا لغتك غريبة

احمد : مصر اي بص لو ده مقلب من بتوع رامز ولا الكاميرا الخافية عرفوني عشان هعمل

معاكم زي شيكابالا بجد

عراي : انت تبدو فعلا غريب جدا وانا ليس عندي صبيرا لك

احمد : طب بص النهارده اي صحيح

عراي : اليوم هوا الاثنين

٦ ايام في الزمن  
احمد : اي ده يعني الرحله خلصت امبارح بص انا هطلع اركب اي حاجه اروح بيها الاقصر  
عشان انت شكلك ضايع اصلا

عراي : لماذا تريد الذهاب الي الاقصر ايها الفتى

احمد : عشان كليتي هناك و عندي فاينل بعد اسبوع ونا معرفش اي الي جبني هنا و نا  
عارف هوا لازم في الشهر الي في عيد ميلادي يحصل حاجه غريبة ليا

عراي : انت عيد ميلادك متي ايها الفتى

احمد : لا ده عدي من كام يوم كان يوم ١/١

عراي : كيف هذا

احمد : كيف هذا اذاي

عراي : انت مولود في اي عام

احمد : انا ٢٠٠٣

"يرد عراي بضحك شديد و يقول ل احمد ضحكنتي ايها الفتى يعني انت لم تولد بعد هذا  
فعلا يضحك "

احمد : متولدتش ازاي يا عم امال انا قدامك ازاي دلوقتي

عراي : نحن في سنة ١٨٨٠ م

احمد : سنه اي معلىش

عراي : ١٨٨٠ م

٦ ايام في الزمن  
احمد : يارب الي في دماغي ميطلعش صح

عرابي : ماذا

" يتفاجأ احمد بعد ما قال له عرابي عن الوقت الذي يعيش فيه و تاريخ السنه و يجد في جيبه الساعة التي وجدها عند المومياء و يصدق انها رجعت به الي الزمن و التلفون الذي معاه لا يوجد به إشارة للشبكة نهائي لآكن احمد يحاول أن يضرب نفسه علي أمل أن يكون هذا حلم و يقول له عرابي انا لم ارا هذا في حياتي كلها لآكن لبسك غريب و ايضا هذا الجهاز الغريب الذي معك يدل علي أنك من المستقبل "

احمد : يا حوستي ياما

عرابي : اهدء يا فتى

احمد : متخفيش ياما علي اي بصي شوفي ابنك راح فين

عرابي : لآكن كيف اتيت الي هذا الزمن

" فبدء احمد بالحديث مع عرابي و حكاية مع حدث معاه عند دخولة عند المومياء و يكتشف أن عقارب الساعة بدأت بالتحرك رغم أنها لم تكن تعمل "

٦ ايام في الزمن  
احمد : انت قولت ليا أن اسمك احمد عرابي صح

عراي : نعم

احمد : انا قولت برود انا شوفت صورتك فين دي قبل كد

عراي : صورتتي؟؟ هل انا لي صور في المستقبل

احمد : مش انت مش عاجبك نظام الحكم و التدخل الأجنبي في شؤون مصر و بتعمل ثورات و بتقاوم التدخل و ليك مطالب انت و الشعب

عراي : كيف عرفت هذا يا فتى

احمد : بص هقولك

" و بدء احمد يحكي الي عرابي عن الثورة العرابية و الذي سيفلعه مع الخديوي توفيق و أنه سيذكر في كتب تاريخ مصر بعد ذلك و كل ما سيحدث معاه "

عراي : كل هذا سافعله

احمد : ايوا يا سيدي انت هتعمل اكرت بس انا كنت علي ادي يعني في ماده التاريخ اصلكو دوشتونا انت و الحاج محمد علي و ولاده بجد قرفتونا

عراي : يبدو هذا رائع

احمد : بص بقولك اي انا دلوقتي رجعت بالزمن يعني اي حاجه هغيرها دلوقتي هتغير قدام في المستقبل انا عايزك تعمل كل الي كنت هتعمله مش عايز اكون سبب اغير التاريخ عشان يمكن لاقى طريقة ارجع بيها الزمن

٦ ايام في الزمن  
عرابي : لا تقلق يا فتى و سأحاول اسعادك في الرجوع لزمنا

احمد : طب بقولك تعالي ناخذ سيلفي

عرابي : ما هذا المقصود بسيلفي

احمد : صورته يعني علي التلفون الي معيا قصدي يعني الجهاز الغريب ده

"و يأخذ احمد صورته مع عرابي و يقومون بالتحدث معا و يحكي احمد عن حياته و طموحاته الي عرابي و بعض معاناته و يبده عرابي يقول له بعض العبارات التي ترفع من عزيمته احمد و لاكن لا يعرفون ماذا يفعلون لكي يعود احمد الي زمنه "

عرابي : دائما لا تفقد الامل ولا تكن دائما طريقة لإسعاد الناس عامه بل كن طريقة لإسعاد نفسك و كل من يحبوك و تحبهم

احمد : يلا الحمد لله اكيد ربنا جايب خير مش عارف هرجع لزمنا ولا لا خدي صحيح بنبوني معيا منها كتير في جيبني

عرابي : ياه مذاقها جميل جدا ايها الفتى تعرف انت الان صديقي المقرب ولن انساك ابدا

احمد : البنبوني ده انا بحب كل لما انزل اشترى منه و افضل اتسلي طول النهار في الليل بردو و بعدين متخفش انا كد كد شكلي مكمل بقيت عمري معاك

عرابي : يبدو انك منهك سأحضر بعض الطعام للاكل

٦ ايام في الزمن  
" و يذهب عرابي لإحضار الطعام الي احمد و احمد يجد الساعة تهتز و تتحرك بسرعه و  
فجاه يختفي من عند عرابي "

عرابي " اين هوا يبدو أنه عاد الي زمنه حسنا رجعت لوحدى مره آخره فسأكل هذا الطعام  
لوحدى

" و ترجع الأحداث الي المستقبل و حديث يدور بين اصداقء احمد "

محمود : بقالو يوم غايب طب هنعمل اي يا جدعان

عمر : انا دورت و سألت في كل المستشفيات و مراكز الشرطه الي قريبه و نشرت خبر و  
بردو مفيش حل

يوسف : طب و أهله عرفه

نور : ايوا عرفه و أبوه جه للعميد و اتكلم معاه و رجع بلده تاني

" تروح الأحداث الي عائلته احمد فحديث بين والده و والدته و أخته شروق "

٦ ايام في الزمن  
والد احمد : ابنك اكيد يعني متخطفش يا ام احمد

والدت احمد : امال راح فين

شروق : اصبروا بس هما بتوع الكليه بيدورو و اكيد خير

" و ترجع الأحداث تاني الي احمد و يحدث معاه مثل ما حدث و يستفيق في مكان غريب  
أمام مبني قديم و يري رجل يبحث عن مال وقع منه و عندها يري احمد المال أمام منه و  
يرجعه للرجل لآكن احمد يتعرف علي الرجل و يفقد و عيه "

" تروح الأحداث الي رام الله و اصدقائها "

نور : حتي يوم معرفي الواد اختفي

رام الله : اسكتي انتي دلوقتي

امنيه : مهو بصو دي مش حاجه طبيعيه احنا في اليوم الثالث اهو و احمد مش موجود اكيد  
اتخطف

مريم : مهو مثلا الي خطفه عايز منه اي

نور : مهو اكيد أعضاء

٦ ايام في الزمن  
رام الله : اشمعنا يعني احمد

نور : يمكن اعضاءة صابحة و فريش

مريم : هيا ذبادي انتي كمان

رام الله : حاسه ان في حاجه تانيه مش عارفه لي

" ترجع الاحداث مع احمد تاني و يستفيق عند الرجل الذي فقد الوعي أمامه بعد ما راي وجهه و أخذه الرجل الي منزلة "

احمد : بص اكيد مش انت صح انا بحلم صح مهو مش هتبيق اين شتاين و عرابي

" فيتحدث اين شتاين باللغة الانجليزية ولا يفهم احمد منة شئ فيقوم احمد بإحضار الهاتف الخاص به و يفتح برنامج الترجمة "

احمد : بص انا معيا برنامج ترجمه من غير نت فيه كل كلمات القاموس كلها و كل اللغات و دافع فيه كتير بس انا غبي انا قول كده لي وهو مش فاهم

" فينبره اين شتاين من هاتف احمد و يتحدث له و يقوم احمد بتشغيل البرنامج و يترجم ما يقوله اين شتاين و يرد عليه أيضا بترجمه لكي يفهم اين شتاين "

اين شتاين : ما هذا الجهاز الذي تملكه

احمد : ده تلفون عارف انك مذهول اني اعرفك و متفاجأ و منبره بس انت اكيد يعني زكي و تصدق

اين شتاين : انا اصدقك يا فتى لآكن كيف اتيت الي هذا الزمن

احمد : بص هحكلك أما اشوف اخرتها

" فيحكى احمد لألبرت اين شتاين عما حدث معاه منذ أن وجد الساعه جنب الموميااء "

احمد : اهو ده كل الي حصل معيا ياعم اين شتاين

اين شتاين : لآكن كيف تعرفني و تعرفت علي عندما رأيتني

احمد : مهو بص انت اذكي انسان تقريبا زي ما هما مفهمنا و انت بعدها قرفتنا بكتشفاتك و حورات الفيزياء بتاعتك دي

اين شتاين : هل نظرياتى أصبأ مشهورين

٦ ايام في الزمن

احمد : ايوا يا سيدي نظرية النسبية الخاصة و النسبية العامه دول اللبنة الاولى للفيزياء  
النظرية الحديثة و سموك ابو النسبية و خدت جائزه نوبل

اين شتاين : انا فعلا شغال علي النظريات دي بس انا خدت جائزه نوبل امتي

احمد : اكيد مش هقولك يعني سبها بظروفها كد بس انت عملت كتير بس انا كنت ادبي  
عشان كد مش عارف عنك كتير و مش بفهم في الحاجات بتاعتك دي بس انت خدت يعني  
الجائزه

اين شتاين : انت جعلتني سعيد ايها الفتى لذلك انا سأحاول اساعدك و ارجعك الي زمناك و  
تعود إلي عائلتك و اصدقائك

احمد : انا قولت بردو انت جدع يا عم اين شتاين هوا صحيح العيال الطالبه بتوع الفيزياء  
مش بيحبوك بس انا كنت بكذبهم يعني فشوقلي حل و رجعني بالساعه دي  
اين شتاين : رغم اني لا افهم بعض من حديثك هذا ايها الفتى لكني سأساعدك

احمد : صحيح احنا في سنه كام ؟

اين شتاين : نحن في عام ١٩٠١ م

احمد : ياه يا تري انت عامل اي يا عرابي دلوقتي الله يرحمك بق

اين شتاين : سابدء بفحص هذه الساعه و يوجد بعض الطعام هناء إذا كنت جائع

احمد : والله جيت في وقتك يا عم اين شتاين خد بق البونبني دي هتحبها

اين شتاين : شكرا يا ولد أنها جميلة ساحول اعرف كيف تصنع

احمد : لا بالله عليك خليك في فديانك و خلي الناس تسترزق ونا هكل و ابص كد في  
البلكونه اشوف حلاوه أميركا

" و يذهب احمد و ينزل يتجول في بعض ارجاء في المكان و يلتقي بالناس الذين ينبهرون من غرابة ملابسه المختلفة عنهم و يقول بصوت عالي لأن لا احد يفهم اللغة العربية فعلا عمرك ما هترتاح غير في بلدك و فعلا مفيش احلي من بلدك مهما كان سبب هجرتك أو سفرك أو اي حاجة لان بلدك هيا الاحسن و بيتفاجأ لما حد يرد عليه و يقوله دي حقيقه و يطلع ده مهاجر من بلد عربيه ولكنه يرحل قبل تحدث احمد معه و يعود احمد لألبرت اين شتاين "

احمد : عملت اي يا عبقري

اين شتاين : الساعه دي غريبه جدا لانها ناقصة دقيقه عن الساعات الأخرى

احمد : يعني اي بصطهالي يعني

اين شتاين : بمفهوم أن الساعه فيها ١١ ساعه و ٥٩ دقيقه فقط ليس ١٢ ساعه

احمد : بمعني بردو

اين شتاين : بمعني بعد ما حكلي قصتك و قصت احمد عرابي صديقك و هذه القصة أن كل لما الساعه توصل للساعه ١١ و ٥٩ دقيقه و تخلص بتنتقل لزمان تاني و الساعه دي مش بتعرفي الوقت لا دي بتعرفك المده الي هتقضيها في الزمن ده و هيا بتبقي بظبط ١١ ساعه و ٥٩ دقيقه بظبط

احمد : يعني انا بردو هرجع زمني ازاي

٦ ايام في الزمن  
اين شتاين : مش عارف بس اكيد انت هترح كذا زمن مختلف و اكيد هيصادف و ترجع  
زمنك

احمد : طب لو الساعه دي ضاعت مني هفضل في الزمن ده

اين شتاين : لا اعلم يا صديقي لآكن باقي لك ساعه تقريبا واحده و تذهب لزمن اخر

احمد : طب لي انا روحت لعرابي و بعدين جيت لآيك يعني الزمن لي مبيرجعش لنفس المكان  
الي انا فيه لي بيروح عند شخصيات هتغير في الواقع بعيد ز العالم

اين شتاين : لا اعلم أيضا لآكن يبدو انك تقوم بعمل لأن انا امن أن هذه الساعه اخترتك انت  
لكي تعلم شئ لأن انت كنت تقول هناك الكثير يسرون عند المومياء و انت الوحيد الذي  
رأيت الساعه

احمد : مش عارف طب تعالي ناخذ سيلفي

اين شتاين : ماذا ؟

احمد : صورته يعني بالتليفون ده

" و يحدث ما كان سيحدث و يختفي احمد من أمام اين شتاين فجأه بعد مرور ال ١١ ساعه و  
٥٩ دقيقه كما قال له "

٦ ايام في الزمن

" و تعود الأحداث الي المستقبل الي عائلة احمد "

والد احمد : ٣ ايام و ابنك لسه غايب

ام احمد : ابني كويس ونا حاسه بده كويس انزل صلي و استغفر ربنا و ادعي ربنا يرجعه  
لينا بالسلامه

والد احمد : دنتي قلبك ميت

" تروح الأحداث لأصدقاء احمد "

يوسف : كان احمد زمانه دلوقتي قاعد معنا

محمود : متحسنيش يا يوسف أنه حصله حاجه احمد اكيد بخير



٦ ايام في الزمن  
مريم : انتو شوفتو الي حصل

عمر : اي حصل

مريم : البرت اينشتاين زكر في كتبة و كذا حاجه ليه اشكر صاديقي العربي صاحب  
النظرات

يوسف : ايوا احنا ماننا ب اينشتاين دلوقتي

رام الله : يا جدعان الكلام ده مكنش موجود قبل كد و ظهرت فجاه في حاجات اينشتاين

محمود : يعني اي بردو

امنيه : بصو هما مفكرين أن احمد رجع الزمن و هوا كان مع اين شتاين و هوا الواد ابو  
نضاره العربي الي بيقول عليه صديقه يعني

نور : يمكن صح

امنيه : خيالكو وسع اوي

عمر : اسكتوا شويه انا هروح اشوف حد رد علي الخبر الي نشرته في اختفاء احمد

" ترجع الأحداث مع احمد الي فاق كالمعتاد في مكان غريب لآكن المره دي فاق ملقتش حد  
جمبه بس سمع صوت كوره فجاه فراح علي الصوت لقي مجموعه شباب بيلعبو كوره و  
كان كلهم سود البشره فظن أحمد أنه في احد البلاد الافريقيه لآكن بيسمع كلمه برازيلية كان  
عرفها و بيطلع التلفون بتاعه و بيفتح البرنامج و بيحوله للغه برازيلية و بيسال واحد من  
الي كانوا بيلعبه و الي بيستغرب من لبس احمد و التلفون الي في أيده و بيكتشف احمد أنه  
في سنه ١٩٥٧م في البرازيل "

٦ ايام في الزمن  
" فيبلاقي ولد بينادو عليه ب اسم بلية فبيتنجن احمد من الدهشة و بيروح لي و بيقله انه  
عايز يتكلم معاه شويه و فعلا بيوافق بليه لانه بينبهر من لبسة و الجهاز الي معاه و المزيكا  
الي بيقد يرقص عليها و تعجبة "

بلية : ماذا تريد مني ايها الغريب

احمد : بص مش عارف اجيالك ازاي بس دنت قدوتي و قدوت كل من لمس الكوره

بلية : كيف هذا

احمد : انت مش دلوقتي بتلعب في سانتوس البرازيلي

بليه : نعم

احمد : طب كويس ان معلوماتي الكرويه حلوه

بليه : ماذا تريد مني لا افهم

احمد : بص هحكيتك

" و بيحكي احمد لبلية كل ما مر به لاكم بلية لا يصدق فيطلب منه احمد ان يأخذوا صوره  
سويا و يلعبون معا كره القدم "

احمد : فعلا اي برازيلي بيتولد لاجب كوره

بلية : هنا كثير من الموهوبين لاكم ليس هنا كثير من المال فنضتر نعمل اي عمل و نترك  
الكره للمال لان اذا لعبنا كره القدم لا احد يهتم ببعض الأطفال الذين يلعبون بدون احذيه و  
حفاة الاقدام و بملابس متسخه مقطعه و بشرة سوداء

احمد : بس انت هتعمل عكس ده دنت هتاخذ ٣ كاس عالم و ماس العالم الجاي انت هتجيبه  
لمنتخبك

٦ ايام في الزمن  
بلىة : اتعلم بدأت اصدق لاكن انا متفاجأ ب ٣ كاس عالم رغم اني احاول ان انضم فقط  
للمنتخب فقط

احمد : هيصل ده كله خد بونبوني

بلىة : طعمه جميل ايها الغريب

احمد : عارف انا كان نفسي العب كوره بردو بس محدش ساعدني لان عندنا انت لو  
اتودلت بموهبه كوره و في عيله فقيره فلازم تتعلم صنعه لأن ابوك هيقولك الكوره مش  
هتالك عيش بس كنت بردو بلعب و بطفش من ابويا و اتحجج ب اي حاجه و اروح أتدرب  
بس فجاه الدنيا بتلهيك و بتخليك تسبب كل الي حلمت بيه غصب عنك و في نفس الوقت  
البلد الي كنت فيها كانت عايزه لاعب معاه فلوس بس انا كنت لاعب بس معيش فلوس

بلىة : اتعلم انت صديق رائع و ساحرب و سانضم للمنتخب ولا تحزن لأن هذا قدرك و شكرا  
مره اخري علي الحلوه اللزيزه

احمد : خد وزع بنبوني كمان اهو علي صحابك و علي عيلتك

بلىة : شكرا لاكن ما اسمك

احمد : سيكون النطق صعب عليك بس انا اسمي احمد

بلىة : الاسم صعب لاكن شكرا يا صديقي انا سأرحل لان عندي مباراه مع فريق سانتوس

احمد : طب ممكن اشوف المباراه دي لأن كلها كام ساعه و همشي

بلىة : اكيد طبعا يا صديقي

" و يذهب احمد مع بلىة و يحضر المباراه و يري النجوم و الكره البرازيليه الجميله و  
سحر بلىة و بعد زالك يودع بلىة و يختفي من المكان بعد مرور وقت الساعه "

٦ ايام في الزمن

" و يرجع للزمن المستقبلي و الحزن عامم علي بيت اهل احمد و في تعاسه شديده و بكاء الام و الاخت و حزن الاب علي فراق احمد و عدم رجوعه و فقدان كل الامل "

" و من الناحيه الاخره اصدقاء احمد يتحدثون و كان محمود ينظر إلي مواعيد مباريات الدوري الإنكليزي اليوم و ينظر ليلاقي خبر عاجل و هوا فديو قديم لبليّة لم يكن موجود من قبل و هوا يتحدث عن طفولته و يذكر أن هناك فتي بنظاره كان يؤمن به و لعب معه كوره القدم و كان أيضا ماهر في اللعب و يحب أن يمرر الكره بين الاقدام و اعطي له حبة حلوة كان طعمها لزيز و اعطي أيضا لكل اصدقاءه و قال له شئ و اعتقد بعد ما حدث معي فأنا مؤمن بما قاله لي "

" و يندش محمود و يذهب الي الاصدقاء و يحكي لهم و يشهدون الفديو و يتفاجأو لأن احمد فيه كل الصفات هذي و يقول عمر "

عمر : هوا هوا مفيش غيره بيحب يدي كباري للي بيلعب قصاده و في جيبه علي طول بونبوني

يوسف : يجدعان بردو ازاي حصل ده

عمر : كلام رام الله كان صح و هوا فعلا رجع بالزمن و حوار اين شتاين ده بردو حقيقه بس ازاي رجع بالزمن و هوا هيرجع ولا لا

يوسف : ابن المحظوظه لعب مع بليّة ده مصيبة لو كان ادالة كوبري

" ترجع الأحداث ل احمد الي بيفوق في مكان غريب تاني بس المره دي بيفوق في مكتب كبير مفهوش "

احمد : يا تري روجت فين المرادي بس اي المكتب الي انا فيه ده ميكونش الزمن رجعتي للمستقبل المرادي

" و فجاه حد بيخس من الباب و بيشوف احمد و كان هيهجمه بس احمد بيرفع أيداه و اول لما بيشوفه بيقول "

احمد : يا لهوي انا عارف ربع الشنب ده والله عارفه

" و يغمي عليه و يفوق بعد شويه في المكتب بردو و الشخص الي شافه قاعد في المكتب و بيكلمه بلغه غريبه فبيشاور ليه احمد أنه ينتظر و يخرج تلفونه و يطلع المترجم و يحول ترجمه الي اللغة الالمانيه "

احمد : انا عارف انك هتلر و عارف كل حاجه عنك

هتلر : ماذا تقصد ايها الولد و كيف دخلت الي هنا

احمد : علمي علمك

هتلر : ماذا

احمد : بص انا بقالي تلت ايام بحكي فهحكيتك

٦ ايام في الزمن

" فيحكى احمد الي هتلر كل شئ لادن هتلر لا يصدقه و يامر بسجنه و يحاول احمد ان يقتعه و يشغل علي هاتفه فديوهات لي ماتش ل المانيا و البرازيل و يقول له هذا منتخب المانيا و يندعش هتلر مما يراه و يرجع عن قرارة و يطلب من احمد ان يجلس معاه و يحكي له عن المستقبل فيحكى احمد كل شئ حدث فيقول هتلر "

هتلر : متي ساموت يا ولد

احمد : الاعمار بيد الله ياعم

هتلر : هل تستهزئ بي ايها الفتى الغريب

احمد : لا والله مقدرش اوعي تحطني في القرن

هتلر : انت حكيت لي الكثير جدا عني و انا سافعل الحرب العالمية الثانية اعتقد انك محق في هذا

احمد : عارف يا عم هتلر احنا مكناش مقدرينك لانك كنت بتحرق الي ما يتسمو و ياريتك في زما كان زمانك ريحتنا منهم بجد

هتلر : ماذا تقصد ايها الفتى

احمد : بص خد بونبوني

هتلر : طعم الحلوه هذه جميل

احمد : في تلاته قبلك قالو كد

هتلر : اريد المذيد

احمد : شكلك هتطمع بس مش خساره فيك بس ناخذ صوره

هتلر : انتظر حين انا دي المصور

احمد : لا لا هيا سيلفي معيا ب التلفون و خلص الحوار

هتلر : شكرا يا فتى علي الحلوه لاني ساسجلك

احمد : بعد مديتك البونبوني يا طفص

٦ ايام في الزمن  
هتلر : هل هذه توبيخ يا ولد

احمد : استني بس التلفون هنج و مش بيترجم

هتلر : ماذا ؟

احمد : اهو خلاص اشتغل عيد الكلام تاني

هتلر : هل ما قلته لي توبيخ

احمد : عشان طفص يعني لا لا ابدا

هتلر : يا أيها الجندي خذ هذا الفتى الي السجن

احمد : يلا اسجني هيا كلها ساعه و هغور من هنا اصلا

احمد : بس اسال سؤال لي ماشي بربع شنب

هتلر : اغرب ايها الاحمق

" و يذهب احمد الي السجن الانفرادي و ينتظر يمر الوقت لكي يذهب الي زمن اخر و يسأل  
نفسه سؤال "

احمد : صحيح التلفون من ساعت ما روحت الازمنه دي و هوا ٦٨ في الميه و لسه  
مخلصش شحن ولا نقص حتي اي حاجه

عقل احمد : يعني انت قاعد تلف بين الزمن و جاي بتسال التلفون مفصلش لي يا غبي

احمد : صحيح الي خلاني مصدق اني بلف في الزمن مصدقش لي التلفون مفصلش بس  
عارف انا خايف من حاجه

عقل احمد : اي

٦ ايام في الزمن  
احمد : ليكون بحلم

عقل احمد : لا لا مبتحلمش انا عارف

احمد : والله انت الي ديما موديني في مصيبه انت و قلبي دهو فأكيد بحلم

عقل احمد : انت اتغطيت كويس قبل متتام

احمد : ايوا

عقل احمد : يبق مش بتحلم اكيد

احمد : تصدق اقتنعت

" و يمر الوقت و يحدث ما يحدث كل مره و ينتقل احمد الي مكان آخر لا يعرفه و هذه المره يقع في غابه و لا يعرف اين هوا "

احمد : يوه بقالي ساعه بمشي و مش عارف انا رايح فين

عقل احمد : كمل بس انت هتلاقي اكيد بيوت في اي مكان أو اي شخص

احمد : هوا انا لي بكلمك اصلا انا بدأت اهلوث ولا اي

عقل احمد : انا ونت واحد مقدرش اسيبك يا ابوحميد

احمد : كل مره بروح عند شخصيه أثرت في العالم يا تري هبقي عند مين المرادي

عقل احمد : متتوقع واحد كد

احمد : جورجينا

عقل احمد : هيا دي أثرت في العالم

احمد : هيا مثاره فيا انا شخصيا

٦ ايام في الزمن  
عقل احمد : كمل يا احمد كمل مشي

" و فجاه احمد يلتقي برجل ذو شعر طويل "

احمد : يا تري انت بتتكلم لفه اي انت كمان

" و يقول الرجل الي احمد كلمات انجليزيه فيلتسم احمد لانه عرف لغه الرجل و يقوم  
بتشغيل المترجم و كالعاده ينبهر الرجل من التلفون الذي يملكه احمد و يبده الحديث معهم  
"

احمد : هوا اسمك اي

الرجل : اسحاق

احمد : اسحاق لاعب نيو كاسل

اسحاق : ما هذا يا فتى الذي تقوله

احمد : احنا في سنه كام

اسحاق : ١٦٨٠ م

احمد : انا رجعت ورا اوي كد

" فيأتي ولد و ينادي علي اسحاق و يقول له يا سيد نيوتن "

احمد : نيوتن ؟؟

٦ ايام في الزمن  
نيوتن : ماذا يا ولد

احمد : طب بص هحكي ليك حاجه بس يارب تصدقني و متتعبنيش معاك انت راجل عالم  
بردو و اكيد هتفهم بسرعه

"و يبدء احمد بالحديث مع نيوتن و يخبره كل ما عدي به و يحكي له ما حدث معاه مع  
عرابي و اين شتاين و هتلر و بليه و ينبهر نيوتن أنه من المستقبل و يبدء ياساله علي  
اشياء كثير في المستقبل و يريه احمد بعض الصور لبعض المنشئات و الاختراعات الحديثه  
و الموسيقي الجديده و ينبهر جدا نيوتن "

عقل احمد : اوعي تقول ليه أنه هيكتشف الجاذبيه بعد ما التفاحه تقع عليه عشان متغيرش  
في الزمن

احمد : بفكر اعمل خير انا و اروح معاه و اكل التفاح الي علي الشجره كلها و ارحم الطلبة  
من الفيزياء كلها

عقل احمد : يلا منت كدا كدا ضايع

نيوتن : اتحدث نفسك ايها الفتى

احمد : لا لا مفيش يا عم نيوتن من الحق خد بونبوني اهو

نيوتن : يا فتى

احمد : عارف عارف انها حلوه جميله جدا و تريد المزيد

نيوتن : كيف عرفت

احمد : مهو كل الي قبلك قالو كد بس ناخذ صوره الاول ب التلفون ده الي هوا الجهاز  
الغريب يعني

٦ ايام في الزمن  
" و بعد أخذ الصورة اختفي احمد كره واحده قبل أن تفوت ال ١١ ساعه و ٥٩ دقيقه و  
يذهب الي صحراء غريبه و بها درجه حراره عاليه "

احمد : اي ده لسه الوقت مخلصش انا جيت هنا لي دلوقتي دنا كنت لسه عامل التفاح

" و فجاه يأتي شخص و يضرب احمد علي رنسه و يفقده الوعي "

" و يستعيد احمد و عيه في مكان غريب من الحجاره المزينه أمام رجل يفاجأ "

احمد : استني متقوليش انت توت عنخ امون صح

توت : نعم ايها الفتى

احمد : و بتتكلم عربي ازاي

توت : لا تسال اساله كثيره و احضر هذه الساعه لي

احمد : ساعه اي

توت : الساعه التي تنقلك من زمن الي اخر

احمد : صحيح انا لقتها جمب المومياء بتاعتك اكيد انت ليك علاقه بيها

توت : نعم هذه ساعه الازمنه التي اختر عنها

احمد : اختر عتو ساعه الازمنه ازاي يعني يعني انتو بتيجو المستقبل معنا

توت : لا يا فتى نحن اختر عنها فقد لاكن لا احد منا يذهب الي المستقبل ولا الماضي لأن لا  
نريد تغيير في جذور الزمن مثل ما كنت ستفعل

احمد : طب انتو سبتوها لي عند المومياء

٦ ايام في الزمن  
توت : هذا قدرك انها تكون لك

احمد : طب دلوقتي التلفون مش بيحصل لي

توت : لأن كل شئ ثابت عندك عندما وتنقلت للزمن و حتي عمرك لم يزد ولم ينقص

احمد : يعني انا عايش و مش عايش يعني ولا اي

احمد : و بعدين انا عايز ارجع زمني برود و هرجع ازاي

توت : لا تقلق سترجع زمنك لآكن هذه الساعه ستكون معي

احمد : مش عايزها رجعتي بس زمني و خلاص

توت : الا تريد انت تلقي نظره علي مصر القديمه و الروائع

احمد : و بعدها هترجعني زمني يعني

توت : اظن ذلك

احمد : بص انا كد كد مقدميش حل انا كد ميت و كد ميت فخدني في جولته زي ما بتقول

" و يسير احمد مع الملك توت في جولته و يندهش من رآوعه مصر القديمه و ملابس  
الفراعنه و قوتهم و احجامهم العملاقه "

احمد : عارف مصر زمان كانت احسن

توت : كيف يا ولد انتم اخترعتم الكثير الذي غير العالم

احمد : بس معدش في خير و سعادته زي الاول شوف الناس دلوقتي متعاونين ازاي بس  
عندنا لا و حتي التكنولوجيا دمرت نص العالم و دمرت عقول البشر

توت : هذا قدر و نحن نعيشه

احمد : صحيح خد اتسلي في بنبوني و عارف انها حلوه رائعه

٦ ايام في الزمن  
توت : و ستأخذ معي صورته صحيح

احمد : عرفت منين

توت : قوت لك لا تسال الكثير

" و بعد هذه الجوله يذهب احمد مع توت لكي يرجع الي زمنه و يقوم توت بتشغيل الساعه  
و تضئ للمره الأولي و يختفي احمد مره واحده لآكن تقع منه نظارته عند توت "

" و يستفيق احمد و هوا في اتوبيس الرحله و هوا جالس بجوار صديقه يوسف "

احمد : الحمد لله رجعت يوسف مش مصدق

يوسف : انت عبيط يبني رجعت فين و مش مصدق اي

احمد : اي يابني انا بقالي ٦ ايام غايب عنكم

يوسف : ٦ ايام اي انت بقالك نص ساعه نايم و غايب عنا بس

احمد : نص ساعه

يوسف : ايوا

احمد : يعني انا كنت بحلم

يوسف ونا ايش عرفني انت كمان خليني اكمل السندوتش في هدوء

"و ينزل احمد من الاتوبيس في دهشه بعد الوصول إلي مكان تبوت الملك توت و يلتقي ب  
رام الله "

رام الله : ازيك اي جابك كد لوحدك عند الموميا

٦ ايام في الزمن  
احمد : مش عارف بس زهقت من كلام المشرف الكثير

رام الله : ونا بجد قولت اجي اشوف المومياء

احمد : منا عارف

رام الله : عرفت منين

احمد : لا لا مفيش

رام الله : بس بص المومياء دي لقو معها نضاره زي بتاعتك بظبط

احمد : نضاره ؟

رام الله : ايوا و هيا هناك اهي في ازاز لوحدها

احمد : ده صحيح دي نضارتي يعني مكنتش بحلم

رام الله : بتحلم ب اي

احمد : لا لا مفيش اي رايك نخرج سوا بكره بعد ما نرجع من الرحله

رام الله : موافقه

نور : يا رام الله

رام الله : هروح اشوف نور و هرجعك

احمد : ماشي روحي

" و يبدء حوار بين احمد و نفسه في ذهول عما حدث له و يري بالصدفه صورته مع جميع الأشخاص الذي رناهم كلهم و يتفاجأ"

عقل احمد : مهو اكيد متجنناش يا عم احمد

٦ ايام في الزمن  
احمد : بص احنا نروح السكن و بعد كد يحلها الف حلال

" و تعدي الايام و يخرج احمد مع رام الله و يقرو من بعض و يقوم احمد بنشر روايه ب اسم ٦ يام في الزمن و تنتشر انتشار واسع حيث يحكي فيها قصه كل ما مر به "

عقل احمد : اهو ياعم بقيت مشهور بسبب حلم حلمته و كتبته في روايه

احمد : بس ده مش حلم لأن الصور لسه معيا و كمان النظاره الي عند الموميا

عقل احمد : بص متجنناش عيش و خلاص

رام الله : اي يا سرحان ليه بتكلم نفسك و لا بقيت مشهور بق و مش معبراني و شايف نفسك بس

احمد : اسكتي انتي متعرفيش حاجه خدي بونبوني

رام الله : تعرف أن الشركه بتاعت البونبوني دي طلعت نصابه

احمد : لي

رام الله : اصل لقو كذا عالم و كمان بليه و حتي هتلر و احمد عرابي و مش عارفه اي علاقتهم ببعض بس كاتو كاتيين في مزكرتهم اسم البونبوني ده و قائلين اطيب ما اخذت من صديقي ساحر النظاره معدا هتلر الي شتم فيه بس و العلماء حولو يدرسو الموضوع و يفهمو بس مفهومش حاجه بردو بس قالو الشركه سرقت الاسم من المزكرات دي و سمت الشركه كد عشان تتشهر

" و يغمي احمد عليه مره واحده بعد ما تفاجأ "